

Na osnovu člana 72. Zakona o javnim nabavkama u BiH, („Službeni glasnik BiH“ broj: 39/14), a nakon provedenog postupka javne nabavke zamrznute ribe za potrebe KJU „Gerontološki centar“ Sarajevo, pravosnažne Odluke o izboru najpovoljnijeg ponuđača, br. 11-1418-16/17 od 23.03.2018. god. i Okvirnog sporazuma br: 11-1418-18/17 od 03.04.2018.godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO, ul. Aleja Bosne srebrene br.7., Sarajevo**, registrovan kod Kantonalnog suda u Sarajevu pod brojem UT/I-2260/97 od 15.08.1997.god. i Općinskog suda u Sarajevu Rješ. Br. 065-0-Reg-07-000174 od 25.06.2007.god., identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

2. **LALA I LAČO d.o.o. iz Bijeljine**, ul. Prvog maja br. 14., Bijeljina, matični broj subjekta upisa 59-01-0047-10 (stari broj 1-907), identifikacijski broj kod Porezne uprave Republike Srpske, P.C. Bijeljina 4400304760004, identifikacijski broj obveznika PDV 400304760004, koga zastupa Direktor Milivoje Stanivuković (u daljem tekstu: Dobavljač)

dana 03.04.2018.godine, u Sarajevu, zaključuju:

UGOVOR O NABAVCI ZAMRZNUTE RIBE

Član 1.

Dobavljač se obavezuje da će Ugovornog organa kontinuirano snadbijevati zamrznutom ribom, u skladu sa potrebama iskazanim u Specifikaciji i zahtjevima iz Tenderske dokumentacije broj: 11-1418-2/17. od 04.12.2017.godine, te uvjetima preciziranim Ponudom Dobavljača od 21.12.2017.godine, a sve u skladu sa potrebama Ugovornog organa.

Član 2.

Ukupna maksimalna vrijednost ovog Ugovora bez PDV-a iznosi **8.854,00 KM**, odnosno sa uključenim PDV-om iznosi **10.359,18 KM**.

Maksimalna vrijednost ovog Ugovora bazirana je na maksimalnoj okvirnoj godišnjoj količini roba iz predmetne nabavke, koja se planira nabaviti u ugovorenom periodu.

Ukupna količina i ukupna vrijednost ugovora za ugovoreni period se ne može precizno utvrditi i planirati i zavisi od nastalih potreba Ugovornog organa u toku ugovorenog perioda.

Ugovorni organ zadržava pravo potpune ili djelimične realizacije nabavke prema tenderskoj Specifikaciji i svojim potrebama.

Član 3.

Ugovorne strane su saglasne da se u periodu važenja ovog Ugovora, **jedinične cijene robe precizirane u Ponudi Dobavljača, neće mijenjati.**

U slučaju značajnijih promjena na tržištu, koje utiču na cijene robe koja je predmet nabavke, što podrazumijeva više ili niže cijene u odnosu na cijene precizirane Ponudom dobavljača, ugovorne strane zadržavaju pravo da pismenom obaviješću otkazu ovaj Ugovor i Okvirni sporazum.

Član 4.

Dobavljač garantuje Ugovornom organu da u poslovanju sa hranom provodi redovan sistem kontrole sigurnosti hrane prema odredbama Zakona o hrani („Službeni glasnik BiH“ br. 50/04), odredbama Pravilnika o higijeni hrane („Službeni glasnik BiH“ br. 4/13) i odredbama Pravilnika o higijeni hrane životinjskog porijekla („Službeni glasnik BiH“ br. 103/12, 28/14, 87/15) i da garantuje za zdravstvenu ispravnost i kvalitet isporučenih roba koje su predmet nabavke (čl. 29.stav 3. Zakona o hrani), da ispunjavanju propisane zdravstvene uvjete za objekat, opremu i vozila namijenjena za proizvodnju, skladištenje, čuvanje i distribuciju proizvoda iz predmetne nabavke u skladu sa Pravilnikom o higijeni hrane, te da vrši redovnu dezinfekciju, dezinfekciju i deratizaciju objekata, opreme i vozila.

Dobavljač garantuje zdravstvenu ispravnost isporučenih proizvoda, kao i odgovarajući kvalitet.

Dobavljač garantuje da će svaki proizvod iz specifikacije isporučivati u skladu sa dostavljenom proizvođačkom deklaracijom.

Član 5.

Ugovorne strane su saglasne u pogledu uvjeta koje Dobavljač mora poštovati prilikom isporuke robe:

- a) Dokumentacija – Svaka osoba koja sudjeluje u istovaru hrane mora kod sebe imati sanitarnu knjižicu koju na traženje odgovorne osobe za prijem hrane, mora dati na uvid;
- b) Prevozna sredstva – Vozilo kojim se vrši prevoz i isporuka robe iz predmetne nabavke mora udovoljavati propisanim higijensko-sanitarnim uslovima, mora se vršiti redovna dezinfekcija, mora biti uvijek čisto;
- c) Hrana koja je predmet nabavke – Hrana mora biti u propisanoj i adekvatnoj namjenskoj ambalaži (transportnoj i pojedinačnoj). Deklaracija mora biti na jednom od službenih jezika koji su u upotrebi u BiH. Ukoliko postoji kategorizacija i/ili klasa proizvoda iz predmetne nabavke prema kvaliteti, ista mora biti naznačena na deklaraciji.

Član 6.

Ugovorne strane su saglasne da se roba iz predmetne nabavke isporučuju prema potrebama Ugovornog organa, te da se može izvršiti nabavka i artikala iz okvira predmetne nabavke koji nisu navedeni u specifikaciji Ugovornog organa i Ponudi Dobavljača, koja je sastavni dio ovog Ugovora, o čemu bi se ugovorne strane prethodno usaglasile.

Prijedlog za promjenu količine i vrste robe iz okvira predmetne nabavke, osim u hitnim situacijama, Ugovorni organ je obavezan dostaviti Dobavljaču u pismenoj formi, radi postizanja saglasnosti o cijenama istih. Po dostavljenom prijedlogu Dobavljač je obavezan izjasniti se u roku od 2 dana.

Ne postizanje dogovora u vezi sa eventualnim promjenama vrste i količine robe iz predmetne nabavke i cijenama istih, predstavlja osnov za raskid ovog Ugovora i Okvirnog sporazuma.

Član 7.

Ugovorni organ zadržava pravo da u slučaju isporuke robe neodgovarajućeg kvaliteta, koja nije u skladu sa dostavljenom proizvođačkom deklaracijom (koja nije predmet ponude Dobavljača, niti predmet narudžbe

Ugovornog organa) ili robe neodgovarajuće količine, izvrši povrat iste i da zahtijeva isporuku odgovarajuće robe po kvalitetu ili količini.

U slučaju povrata robe od strane Ugovornog organa zbog razloga navedenih u stavu 1. ovog člana, Dobavljač se obavezuje da će najkasnije u roku od 2 sata okloniti razloge zbog kojih je izvršen povrat robe i isporučiti odgovarajuću robu.

U slučaju da Ugovorni organ na bilo koji način sazna da Dobavljač krši odredbe iz člana 6. i 7. Okvirnog sporazuma ili u slučajevima ponavljanja situacija iz stava 1. ovog člana, Ugovorni organ zadržava pravo da ovaj Ugovor i Okvirni sporazum raskine, uz prethodno pismeno upozorenje Dobavljaču na mogućnost raskida ugovoru uz navedenje razloga za raskid.

Član 8.

Dobavljač se obavezuje da će predmetnu robu isporučivati kontinuirano, na osnovu pojedinačnih narudžbi, u skladu sa nastalim potrebama Ugovornog organa.

Ugovorne strane su saglasne da se narudžba robe koja je predmet Ugovora vrši radnim danima od ponedjeljka do petka, do 10:00 sati ujutro, u dogovoru sa višim referentom za nabavku i skladištenje, faksiranjem narudžbenice koja će obavezno sačinjavati podatke o količini i vrsti robe koja se naručuje.

Ugovorne strane su saglasne da Dobavljač isporuku robe vrši vlastitim vozilima, na adresu Ugovornog organa, ulica Aleja Bosne srebrne br.7., te da se prilikom isporuke i prijema robe izvrši zajednički pregled robe.

Rok za isporuku robe je najkasnije 3 (tri) dana od dana prijema narudžbe, i to do 10:00 sati ujutro.

Član 9.

Ugovorne strane su saglasne da Dobavljač fakture za plaćanje ispostavlja za svu robu isporučenu u toku mjeseca, a na osnovu otpremnih dokumenata (otpremnica) potvrđenih od strane Ugovornog organa da je roba preuzeta.

Ugovorni organ se obavezuje da će plaćanje za isporučenu robu vršiti u roku od 60 dana po prijemu fakture, na transakcijski račun Dobavljača broj 161 085 000 213 0040 otvoren kod Raiffeisen banke.

Plaćanje robe po ovom Ugovoru vršit će se u konvertibilnim markama.

Ugovorni organ se obavezuje da će plaćanje vršiti zbirno mjesečno za svu robu isporučenu u toku jednog kalendarskog mjeseca, na osnovu ispostavljenih faktura-računa, i to u roku od 60 dana od dana prijema fakture.

Za svako kašnjenje u plaćanju Ugovorni organ se obavezuje da Dobavljaču pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Dobavljač ima pravo, bez ikakve daljnje opomene, na posebnu naknadu u iznosu 100,00 KM.

Član 10.

Ukoliko Dobavljač zakasni sa izvršenjem ugovorenih obaveza, dužan je platiti Ugovornom organu, za svaki dan zakašnjenja u izvršenju ugovorenih obaveza, ugovornu kaznu u iznosu od 2% od vrijednosti konkretne nabavke sa kojom se zakasnilo.

Ugovorne strane su saglasne da je za slučaj neizvršenja ugovorenih obaveza Dobavljač dužan platiti Ugovornom organu ugovornu kaznu u iznosu od 5% od vrijednosti konkretne nabavke koja nije izvršena.

Ugovorni organ se obavezuje da Dobavljača odmah obavijesti o svakom neizvršenju ili kašnjenju u izvršenju ugovorenih obaveza, na osnovu koje je Dobavljač obavezan umanjiti iznos fakture za plaćanje u skladu sa tavom 1. i 2. ovog člana.

Pored prava iz stava 1. i stava 2. ovog člana, Ugovorni organ ima pravo naknade štete, ako je ista prouzrokovana ovim neizvršenjem ili zakašnjenjem.

Ugovorni organ zadržava pravo da u slučaju ponovljenog kašnjenja ili neizvršenja ugovorenih obaveza ovaj Ugovor raskine.

Član 11.

Svi uslovi iz tenderske dokumentacije broj: 11-1418-2/17 od 04.12.2017.godine i ponude Dobavljača br. 2144/17 od 21.12.2017.godine čine sastavni dio ovog Ugovora.

Član 12.

U svrhu izvršenja ovog Ugovora Dobavljač nema pravo zapošljavati lica koja su učestvovala u pripremi tenderske dokumentacije ili koja su učestvovala u svojstvu predsjednika ili člana komisije za javne nabavke, najmanje šest mjeseci po zaključenju istog.

Član 13.

Ovaj Ugovor se zaključuje na period od jedne godine i stupa na snagu danom potpisivanja obje ugovorne strane.

Član 14.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 15.

Ugovorne strane mogu ovaj Ugovor raskinuti i prije njegovog isteka, ukoliko se neka od ugovornih strana ne bude pridržavala njegovih odredaba, uz prethodno izmirenje svih obaveza nastalih po osnovu ovog Ugovora.

Član 16.

Otkazni rok po ovom Ugovoru je 30 dana, od dana prijema pismenog obavještenja o otkazu Ugovora, a po isteku ovog roka, Ugovor se smatra raskinutim.

Član 17.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je Sud u Sarajevu.

Član 18.

Ovaj Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

DOBAVLJAČ:



Broj: 873/18

Sarajevo, 11.04.2018

UGOVORNI ORGAN:



Broj: 11-1418-18-1/17

Sarajevo, 03.04.2018.god.